

大清世宗憲皇帝實錄



大清世宗敬天昌運建中表正文武英明寬仁
信毅大孝至誠憲皇帝實錄卷之六十八

監修總裁官光祿大夫經筵講官太保議政大臣保和殿大學士兼兵部尚書總理兵部事三等伯加十五級臣鄂爾泰

總裁官光祿大夫經筵日講官起居注太保兼太子太保保和殿大學士兼戶部尚書仍兼管吏部尚書翰林院掌院

事三等伯加十三級臣張廷玉光祿大夫經筵日講官起居注太保議政大臣武英殿大學士兼工部尚書仍兼管

翰林院掌院事二等臣福敏光祿大夫經筵講官太子太保東閣大學士兼禮部尚書弘毅級臣徐本光祿大夫

經筵講官議政大臣協辦內閣大學士事務禮部尚書仍兼管太常寺鴻臚寺事臣三泰等奉

敕修

雍正六年戊申夏四月辛巳朔享

太廟。五十六年。戊申。夏四月。辛巳。既享。

上親詣行禮○

上詣

欽定四庫全書
大清高宗純皇帝實錄
卷一百一十五
高宗純皇帝實錄
卷一百一十五

恩佑寺行禮畢。幸圓明園○諭議政王大臣等。
阿爾泰換班兵丁。八月內。方得到彼。換回兵
丁。俟到後起程。於十一月盡。方能至京。時既
嚴寒。兵丁不無苦累。如何可使換回兵丁。預
先起程。不受寒凍。即能至京。著議奏。尋議查
自歸化城至扎克拜達里克。有上海新驛舊

驛阿拉克諾海古爾班賽堪五路。若令換班兵丁。於四月二十間起程。由張家口至歸化城。分作四路。博爾屯。查克旦。塔拉圖。諾穆桂分領。各由一路而行。再令歸化城都統丹晉等。每路選派熟識道路之叅領佐領等官各一員。令其選擇水草。引路前行。大約於七月二十間。可至扎克拜達里克。應令軍營兵丁俱預在扎克拜達里克等候。此際暫派盛京船廠官兵。令其哨望。俟換班兵丁到時。即令

起程。仍令熟識道路官員。沿途指引。可於十月二十間至京。庶官兵不受寒凍。從之。○壬午。陞正黃旗火器營叅領姜密。爲昭陵總管。○吏部議覆。山西巡撫覺羅石麟疏言。蒲州爲三晉之咽喉。澤州當衝繁之重地。僅設直隸州。不足以資彈壓。請陞州爲府。各設知府一員。同知一員。經歷一員。統轄原隸之四縣。附郭各添設知縣一員。專理一邑之事。所有二州學正。改爲教諭。吏目。改爲典史。

再蒲州之永樂鎮距城一百二十里。澤州之
攔車鎮。係南北行旅往來之所。請將二府新
設之同知。分防二鎮。以專緝捕之責。應如所
請。從之。尋定蒲州新陞府曰蒲州府。澤州新
陞府曰澤州府。蒲州附郭縣曰永濟。澤州附
郭縣曰鳳臺。旌表河南中牟縣烈婦李貴
妻沈氏。拒姦不污。自縊殞命。給銀建坊。入祠
致祭如例。○甲申。以翰林院編修馬金門。充
日講起居注官。○調鑲黃旗滿洲都統鄂善

爲鑲白旗漢軍都統以署領侍衛內大臣侯
陳泰爲鑲黃旗滿洲都統仍兼署領侍衛內
大臣○旌表山東烈婦益都縣高源妻劉氏
郟城縣劉煜含妻張氏俱夫亡投繯從容殉
節各給銀建坊入祠致祭如例○乙酉川陝
總督岳鍾琪疏言陝甘兩省丁銀照各省以
糧載丁之例題請奉旨允行在案今查應減
丁銀之朝邑等二十一州縣於未及攤定之
先照原額徵收共銀六千七百九十二兩若

按戶退還。則糧戶畸零。難於散給。必致胥吏中飽。應請存貯司庫。以充兵餉。得旨。該督既稱按戶退還。必滋胥吏中飽之弊。著照所請。停其退還。但此項銀兩。係陝民輸納之物。著留貯陝西。於地方公事。如積貯興修之類。有裨益於民者。該督撫酌量奏聞。動支應用。不必撥充兵餉。○丙戌。補行直隸古北各協營。雍正五年分軍政。卓異官二員。年老官一員。才力不及官一員。分別陞賞處分如例。○喀

爾喀貝子達濟故遣官致祭○丁亥諭兵部
官員罰俸之事。若有紀錄者。例應准其抵銷。
無紀錄者。雖有所加之級。俱不准抵銷。但紀
錄既可抵銷罰俸之事。則所加之級。亦可改
爲紀錄抵銷。嗣後在京八旗武官。凡有罰俸
之事。若情願將議敘等事所加之級。改爲紀
錄抵銷罰俸者。准其改抵。惟特恩所賞之級。
俱不准改抵。○刑部議奏。署直隸總督吏部
尚書宜兆熊。吏部右侍郎劉師恕。失察革職。

大名府知府曾逢聖一案。應降級調用。得旨。
宜兆熊。劉師恕。俱著降調。暫署直隸總督事
務。○庚寅。諭內閣。積貯米穀。所以備旱澇緩
急之需。民命攸關。最爲切要。朕無時不加訓
飭。嚴其考成。務期地方有司。實力奉行。庶可
有備無患。又念倉廩若不堅固。必有霉爛虧
折等弊。是以雍正四年。諭令各省加意修理。
但恐有司視爲具文。奉行不力。且新舊官未
定倉廩交代之例。或去任之員。以損壞滲漏

之厥座。任意交代。貽累於後官。或接任之員。有霉爛虧空等情。而藉口舊日倉廩之不修。委咎於前任。似此種種弊端。皆於積貯之政。大有關係。嗣後著將各府州縣倉廩。入於交盤項內。新舊交代。若有傾圯滲漏之處。著接任官即行揭報。儻有徇情濫受者。即係接任官之責。除照例處分外。仍令賠修。如此。則有司各顧考成。於積穀養民之道。實有裨益。其如何定例之處。著九卿會議具奏。尋議。嗣後

各府州縣倉廩俱造入交盤項內。若有木植毀爛傾圯滲漏者。著接任官即行揭報。將前任官照例議處賠補。如接任官有徇隱濫受者。亦照例議處。仍令賠修。其霉爛虧空米石。著限年賠完。限內不完。照例治罪。從之。○署南贛總兵官張溥疏言。准巡撫布蘭泰咨開。本標隨丁名糧俱行招募補足。已將隨丁名糧六十分。考補五十四分。暫留六分。再行考補。得旨。從來文武原屬兩途。其養廉用度亦

各不侔。督撫爲封疆大吏。全在察吏安民。撫輯地方。一應衙門用度。耗羨等項。足資爲用。隨丁名糧。固可革除。提鎮專任戎行。責在整頓營伍。訓練士卒。一應衙門用度。舍隨丁名糧之外。別無所出。武臣由將備陞至總兵。階級既峻。其用度自應寬裕。儻將此項裁革。無以養廉。勢必諸事掣肘。且衙門用度不敷。即有廉潔之員。亦易改操。此揆情度理。有不當革除者。今布蘭泰將伊隨丁名糧裁補。并鎮

臣之隨丁名糧亦勒令革除殊非中道著兵部行文布蘭泰知之○予故副都統兼察哈爾總管哈濟噶爾祭葬贈都統銜○壬辰諭內閣凡監禁之斬絞重犯越獄顯係該管官疎縱之故若但照例革職轉得脫然事外矣嗣後應將疎縱之州縣等官限滿不獲者照例革職仍留地方與接任官協同緝捕果能將越獄之犯緝拏全獲准將該員送部引見酌量開復俾尚有自新之路若三年限滿仍

不能拏獲。或不能全獲。俱著該督撫奏聞請旨。如此。則疎縱者知所儆懼。而盡心捕逃者。亦尚可邀恩。其如何詳細定例之處。著九卿議奏。尋議。嗣後因斬絞重犯越獄降調之員。仍留地方。令其設法。與接任官協同緝捕。如三年限滿。一名不獲。照二名不獲例。降三級調用。二名不獲。照三名不獲一名例。革職。二名不獲。後止獲一名者。仍照二名不獲例。降三級調用。軍流以下罪犯越獄脫逃。應仍照

定例一二名者罰俸一年。三四名者降一級調用。從之。○癸巳。免直隸永清縣梁城所雍正五年分水災額賦有差。○甲午。陞通政使繆沅爲內閣學士兼禮部侍郎。○免直隸文安。玉田二縣雍正五年分水災額賦有差。○乙未。陞山西殺虎口副將魏麟爲直隸真定總兵官。○丙申。禮部遵旨議覆革職降級留任官員職掌班次一切照舊。惟朝服頂帶與職任不符。班聯未昭畫一。請嗣後凡文武大

小官員革職降級。奉旨留任者。除陞轉開列。及停扣俸祿之處。俱照例遵行外。其朝服頂帶。准仍照本任品級。庶班聯秩然。體統昭而觀瞻肅矣。從之。○丁酉。

孝端文皇后忌辰。遣官祭。

昭陵。○戊戌。以鑲白旗漢軍都統鄂善署本旗護軍統領。○己亥。以翰林院侍讀索柱充日講起居注官。○庚子。以正藍旗蒙古副都統薩齊庫署鑲黃旗蒙古都統。○予告大學士